

[Leipzig], 9. Januar 1561

Von Joachim Camerarius d. Ä.

Druck: Camerarius, Epistolae S. 468-470.

S. D. Ciceronis quandam epistolam commentari lubet, inde mihi initium capiam. Amor tuus ex omnibus partibus se ostendit, mi Hieronyme: qui omnem curam cogitationemque tuam confers ad me et meos iuuandum et augendum. Quo nomine, vt par est, ingentes ago gratias benevolentiae et humanitati tuae. De re autem ipsa respondebo pauca. Etsi meae facultates iniquitate temporum attritae quoque sunt: (nam et bello ante annos aliquot, et nuper incendio in patria multum damni fecimus:) neque ignoror ὅτι αἰδώς οὐκ ἀγαθὴ κεχρημένω ἀνδρί: tanta tamen est pertinacia mea, vt omnia experiri prius atque conari decretum sit, ἢ αἰτίζειν. Non puduit, inquies, facere hoc sapientiss[imum] virum Vlyssem. Scio quid Homerus de illo. Sed nostrae rationes sunt diuersae. εἴκε μὲν οὖν ἐνδεεῖς χρημάτων ἐσμὲν, καὶ τάναλώματα εἰς τοὺς ἡμετέρους (nam Philippo quoque, quem Argentoratum misimus, pars ferenda est) μόλις ὑποφέρομεν στερίσκοντες ἡμᾶς αὐτοὺς τῶν ἀναγκαίων, οὕτω δ' ὅμως διακείμεθα, ὥστε πρὸς τὸ αἰτῆσαι ἀπροθυμότατα ἔχειν. Vnde si nihil aliud consequor, hoc tamen commodi obtingit, ὅτι οὐδὲν δεόμενος οὐδενὸς ἀποτυγχάνω. Et quoniam Vlyssis mentio facta est, vides illum quoque tantū de reditu esse supplicem Alcinoo: ea enim ei imponebatur necessitas: caetera Rex ἀπ' αὐτοῦ προστίθησιν. Id igitur est ἐλευθέριον καὶ μεγαλοπρεπὲς τὸ τὸν δοκοῦντα ἄξιον εὖ ποιεῖν, καὶ μὴ προσδοκῶν τὴν δέησιν. τὰ δὲ περὶ ἐμοῦ ἐνδειχθέντα ἥδη, οὐκ ἀν αὐθίς ὑπ' ἐμοῦ ἐνοχλοῦντος προσανενεχθῆναι καλὸν ἀν εἴη. Tu verò τὸ καλὸν seponi interea posse censes. Vbi igitur illa nostra gloriosa philosophia? Ego, mi Hieronyme, sic sum, et vincere adhuc animum nequeo. Et tua tamen admonitio mihi gratissima, et voluntas iucundissima est, et sermones indicati quam spem ostendunt, ea laetamur: caetera benigitati diuinae permittimus. εὔσεβῶς μὲν τοῦτο, dixerit aliquis, οὐκ ἀσφαλῶς δέ. quae iam alia esset scola. De Henrico Stephano nihil potuimus cognoscere longo sanè tempore. Tibi autem nota esse puto omnia, etiam quid in officina eius fiat. De his igitur expecto litteras tuas. Conuenturi in vicinia nostra Neupurgi dicebantur his diebus multi sanè Principes. Scis quid muliercula de signo emicantis ignis optet, Bonum sit. Idem nos de euentu τούτου τοῦ συλλόγου optare aequum. Salutari studiosè cupio verbis meis D. Cyprianum et D. Moibananum. Libros quos D. Hencelius repetit, tradam Neumarianis, quibus velim scribi, vt libenter recipiant. Adiungam libellum vix tandem hīc editum. quibusuis enim alijs vacant nostrae officinae quàm nostris. Fortasse varietas te delectabit. Etiam inchoatos aliquando versus ad te cùm fortè reperissem, absoluī et inculcaui. Spero illum de cuius hortis te interpellamus, in bonam partem studium meum esse accepturum: ὃν καὶ προσειπεῖν ἀν σε βουλοίμην ἀπ' ἐμοῦ μετὰ τῆς εἰωθυίας καὶ ὀφειλομένης τιμῆς. Vale. 5. Id[us] Ianuar[ij]. 61.